

Broj: 09-11-6-8-5454-6/22  
Datum: 14.09.2022. godine

Na osnovu člana 70. st. (1) i (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke, imenovane Rješenjem, broj: 03-04-3-2309/22 od 28.03.2022. godine, federalna ministrica financija/finansija  
**d o n o s i**

## **ODLUKU**

**o izboru najpovoljnijeg ponuđača za javnu nabavku usluga -  
Tehnička podrška i održavanje DMS OWIS sistema  
za potrebe Federalnog ministarstva financija/finansija**

### **I**

U cilju odabira najpovoljnijeg ponuđača, nakon provedenog konkurentskog zahtjeva za dostavu ponuda u postupku javne nabavke usluga – Tehnička podrška i održavanje DMS OWIS sistema za potrebe Federalnog ministarstva financija/finansija, evidencijski broj nabavke: 09-11-6-8-5454-1/22, broj obavještenja o nabavci sa portala javnih nabavki: 810-7-2-20-3-12/22 od 11.08.2022. godine, kao najpovoljnija ponuda ocijenjena je ponuda ponuđača:

**- ORKA d.o.o. Sarajevo, s ukupnom cijenom ponude u iznosu 9.180,00 KM bez PDV-a.**

### **II**

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene Tenderskom dokumentacijom.

### **III**

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

### **IV**

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

## Obrazloženje

Postupak nabavke pokrenut je Odlukom o pokretanju postupka, broj: 09-11-6-8-5454/22 od 11.07.2022. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosila je 10.000,00 KM bez PDV-a i predviđena je Planom javnih nabavki za 2022. godinu Ministarstva, dio II Usluge, pod rednim brojem 8. – Održavanje DMS OWIS sistema. Obavijest o nabavci, broj: 810-7-2-20-3-12/22 poslana je na objavu 11.08.2022. godine, te je zajedno sa Tenderskom dokumentacijom, istog dana objavljena na portalu javnih nabavki.

Tendersku dokumentaciju preuzelo je 7 privrednih subjekata, a 1 ponuđač je dostavio ponudu u predmetnom postupku nabavke. Ponuda je dostavljena blagovremeno od strane ponuđača ORKA d.o.o. Sarajevo. Komisija za javne nabavke, imenovana Rješenjem, broj: 03-04-3-2309/22 od 28.03.2022. godine, izvršila je pregled i evaluaciju pristigle ponude, te konstatirala da je pristigla ponuda ponuđača prihvatljiva.

Za ovaj postupak, Ugovorni organ je predvidio provođenje e-aukcije, no s obzirom da je pristigla samo jedna ponuda, e-aukcija se ne može zakazati nego se postupak okončava u skladu s članom 69. Zakona.

Nakon izvršenog pregleda i evaluacije pristigle ponude, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-11-6-8-5454-5/22 od 06.09.2022. godine zajedno sa Preporukom o izboru najpovoljnijeg ponuđača ORKA d.o.o. Sarajevo, s registriranim sjedištem u Sarajevu, ID broj: 4200891300003.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uvjetima iz Tenderske dokumentacije.

U postupku ocjene provedenog postupka, federalna ministrica nije našla razloge nepravilnost niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Izabrani ponuđač dostavio je prihvatljivu ponudu u skladu sa uvjetima postavljenim u Tenderskoj dokumentaciji.

Uzimajući u obzir naprijed navedeno, odlučeno je kao u dispozitivu ove odluke.

### POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. ORKA d.o.o. Sarajevo
2. U dokumentaciju Komisije
3. Sektoru za ekonomske, finansijske i zajedničke poslove
4. a/a



MINISTRICA

Jelka Miličević